



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Tractatus De Statu Hominis Morali In Vita Et Post Mortem**

**Opfermann, Paul**

**Moguntiae, 1769**

Angeli prorsus incorporei, & merè spirituales sunt.

**urn:nbn:de:hbz:466:1-40701**

*De iis, quæ ad naturam Angelicam pertinent.*

4. *Angelos prorsus incorporeos & merè spirituales esse satis innuit S. Scriptura, dum eos esse spiritus simpliciter pronunciat: Qui facit Angelos suos spiritus Ps. 103. Nonne omnes sunt administratorii spiritus? ad Hebr. I. Assumit septem alios spiritus nequiores se. Luc. II. Nomen autem spiritus est æquivalenter negativum, excludens quodvis materiale. Unde Patres Synodi Nicænæ II. Act. 4. Veneramur, inquit, imagines Sanctorum, & incorporeorum Angelorum, utpote qui tamquam homines figurâ humanâ justis apparuerunt. Fuere equidem olim diversæ hac in re Patrum sententiæ: dum alii Platonem secuti putarunt, Angelos tam bonos, quàm malos naturaliter sibi unita habere corpora. Hos inter fuit S. JUSTINUS in Dial. cum Tryphon. ubi Angelos ita corporibus præditos esse autumat, ut ali etiam illos in cælo, vescique velit ignoto nobis & inusitato ciborum genere, idque in Scriptura (Psalmo 77.) Angelorum panem nominari. Idem in Apol. I. ait, Angelos inferiori huic Mundo præpositos cum mulieribus stupri consuetudinem habuisse. Quod ipsum plures alii tradiderunt, veluti ATHENAGORAS in Apol. CLEMENS Alexandrin. L. 3. Strom. METHODIUS in L. de resurrect. apud Epiphanium Hæres. 64. TERTULLIANUS, alique, qui proinde omnes Angelis corpora quædam tribuerunt. Alii corpora equidem, non tamen vera, & propria, Angelis attribuebant.*

Nem-

NATURAE ANGELICAE. 5

Nempe corporis nomine id omne significari volebant, quod certo loco definitur, & naturam habet circumscriptam. Quo sensu solum Deum, utpote immensum, esse incorporeum affirmabant. Alii iterum vera, subtilissima, & ætherea Angelorum corpora finxerunt. Ita sentiebat JOANNES Thessalonicensis in Synodo II. Nicæna, ajebatque in eadem opinione fuisse *Basilium, Athanasium, & Methodium*; quam tamen opinionem ista Synodus nequam approbavit, neque etiam definiit, utrum Angeli corporei sint, an incorporei. At non defuere ex Patribus plures, qui Angelos simpliciter ἀσώματους & incorporeos dixerunt. Sic S. GREGORIUS Thaum. *Hom. in Theophania*, Angelos dixit ἀσώματους δυνάμεις incorporeas virtutes: S. GREGORIUS Nyss. ἀσώματος κτισιν incorpoream creaturam: S. GREGORIUS Naz. *Orat. 34.* Angelorum naturam vocat intelligibilem, & incorpoream. Eodem illos nomine pluribus in locis compellat S. CHRYSOSTOMUS, uti *Hom. 22. in Gen. & I in Matth.* In L. I. ad Stagirium: *Fecit, inquit, Angelos & Archangelos, ac reliquas incorporeorum substantias.* THEODORETUS Q. 20. in Gen. imaginem Dei probat non in eo sitam esse, quod in anima sub aspectum non cadit, alioquin potius imagines Dei vocarentur Angeli, & Archangeli, & omnes incorporea sanctæque naturæ, utpote corporibus vacua, & sine ulla mixtione minimè aspectabiles. Quod itaque dicitur *Gen. 6. v. 2. Videntes filii Dei filias hominum, quod essent pulchræ, acceperunt sibi uxores ex omnibus, quas elegerant, non de Angelis, sed de filiis & posteris SETH, qui ob vitæ morumque sanctitatem filii Dei, sicut Cainitæ non-*

nisi terrena sapientes, filii hominum vocabantur: nam continuo sequitur v. 3. *Dixitque Deus: Non permanebit spiritus meus (h. e. spiraculum vitæ à me inspiratum, sive anima) in homine in æternum (h. e.) non vivet tanto tempore, quanto Majores vixerunt) quia caro est: eruntque dies illius (puta illorum, qui eo tempore vivebant, ut habent LXX.) centum viginti annorum.* Hoc nempe fuit illud temporis spatium, quod Deus hominibus peccatoribus indulsit ante diluvium.

β) Angeli tametsi omnis materiæ expertes sint secus ac VV nonnulli opinati sunt; qui spiritualement nescio quam materiam Angelis adhærere fingeant; non tamen ita simplices sunt, ut nihil adventitium in illis sit, quod ab iisdem nequeat separari. Hanc enim simplicitatem atque immutabilitatem solius Dei propriam esse, hodie TT. facile largiuntur. Quis neget gratiæ donum naturæ Angelicæ superadditum? quis adfirmet, Angelum unâ cognitione attingere omnia? igitur plures & successivas rerum diversarum cognitiones habet. Fuit quoque Angelus, cum in via esset, amoris & odii capax. Quæ singula perfectissimæ simplicitati prorsus inimica sunt.

5. Im-  
mor-  
tales

*Angelos tam bonos, quàm malos in perpetuum duraturos esse, Fides docet. Et de bonis quidem Angelis dicitur Luc. 10. v. 36. Neque ultra mori poterunt (Beati post resurrectionem) æquales enim Angelis sunt. De malis verò Matth. 25. v. 41. Ite in ignem æternum, qui paratus est diabolo, & Angelis ejus. Ex Patribus non pauci negant, Angelos ex natura sua immortales esse. Nec Angelus immortalis est naturaliter (inquit S. AMBROSIVS L. 3. de Fide c. 2.) cujus immortalitas in voluntate est Creatoris. S. DAMASCENUS L. 2. c. 3. Immortalis*